

## KUSHTET DHE RREGULLAT E PJESËMARRJES NË LOJËN SHPERBLYESE TË ORGANIZUAR NGA IPKO TELECOMMUNICATIONS LLC

### Neni 1 - Kushtet e Përgjithshme

1.1 Kushtet e Përgjithshme për pjesëmarrje në LOJEN SHPERBLYESE për abonentët e IPKO-qeverisin të drejtat, detyrimet dhe kushtet për pjesëmarrjen në LOJEN SHPERBLYESE të organizuar nga "IPKO Telecommunications LLC" (IPKO).

1.2 Këto kushte publikohen në faqen zyrtare të IPKO's [www.ipko.com](http://www.ipko.com).

### Neni 2- Afati i organizimit të lojës shpërblyese

Loja shpërblyese do të organizohet nga 05 gusht 2018 dhe do të zgjasë për 05 shtator 2018.

### Neni 3 - Anëtarësimi dhe pjesëmarrja

3.1 Te drejt pjesëmarrje kane të gjithë përdoruesit privat dhe ata të bizneseve, të cilët instalimin e aplikacionit My IPKO dhe plotësimin të informatave të nevojshme, automatikisht do të jenë pjesëmarrës të lojës për të fituar shpërblimet në vijim:

- 5000 x 1GB (me validitet 10 dite)
- 2000 x 5GB (me validitet 10 dite)
- 1 x Samsung Galaxy J6
- 1 x Samsung Galaxy A6
- 1 x Samsung Galaxy A8

3.2 Në rastet kur fituesi i një shpërblimi të caktuar është pjesë e një Biznesi, përkatësisht shfrytëzuesi i tarifës business prepaid, shpërblimi i takon Përdoruesit/shfrytëzuesit të numrit.

### Neni 4 – Organizimi i Lojës Shpërblyese

4.1 Përzgjedhja e fituesve do të bëhet përmes aplikacionit në mënyrë automatike. Përzgjedhja e fituesit do të bëhet drejtpërdrejtë në facebook.

4.2 Komisioni për tërheqjen e shpërblimeve do të jetë në përbërje të 3 anëtarëve, 2 anëtarë të përzgjedhur nga IPKO si dhe përfaqësuesi i ATK në cilësinë e kryetarit të Komisionit.

4.3 IPKO rezervon të drejtën e ndryshimit të datave në afat prej 3 ditësh para tërheqjes së shpërblimeve.

4.4 Fituesit do të informohen për çmimin e fituar jo më vonë se 1 javë pasi ata të jenë përzgjedhur nga komisioni zgjedhor, realizuar Live në Facebook.

4.5 Fituesit mund të bëjnë tërheqjen e shpërblimeve në lokacionin e përcaktuar nga PKO's. Përdoruesi ka për obligim që të këtë me vete ID dhe numrin e telefonit mobil, për të dëshmuar që është fitues dhe ta tërheq shpërblimin.

4.6 IPKO do të bëjë verifikimin e fituesve të shpërblimeve bazuar në verifikimin të dhënave personale në përputhje me legjislacionin e aplikueshëm në Kosovë.

## 5- Shpërblimet

5.1 Te gjitha shpërblimet që janë pjesë e kësaj loje shpërblyese do të publikohen në faqen zyrtare të IPKO's [www.ipko.com](http://www.ipko.com)

5.2 Shpërblimet nuk mund të konvertohen në para të gatshme.

## Neni 6 – Detyrimet e pjesëmarrësve

6.1 Duke marrë pjesë në lojën shpërblyese, çdo pjesëmarrës i jep pëlqim **IPKO Telecommunications** për të redaktuar, modifikuar, përshtatur, përkthyer, eksponuar, publikuar, transmetuar, duke përfshirë riprodhim, kopjim, të krijojë vepra përkatësisht të përdor të gjithë dhe / ose ndonjë pjesë të emrit, ngjashmërisë, fotografisë, zërat të pjesëmarrësit dhe imazhet e të gjithë personave të cekur dhe/ose që shfaqen në materialet e krijuara në ngjarje, pa kufizim, kudo në botë, në çdo formë (të prekshme dhe paprekshme, të përhershme apo kalimtare, duke përfshirë, pa kufizim, audio, video, të shtypura, elektronike, me shkrim, dhe fotografike) dhe nëpërmjet çdo mediumi të transmetimit (duke përfshirë, pa kufizim, televizion, radio, internet, dhe të shtypura) tani ekzistuese ose që mund të ekzistojnë në të ardhmen për reklamat, tregti, promovim, publicitet dhe qëllime të tjera të ngjashme pa kompensim dhe pa njoftim për ose në konsideratë, rishikim ose aprovim nga pjesëmarrësi.

6.2 Çdo pjesëmarrës më tej bie dakord të:

**6.2.1** Të merret në pyetje ose intervistohet (qoftë personalisht ose me mjete të tjera të tilla si email ose telefon), filmohet dhe/ose të fotografohet dhe të jetë i disponueshëm për intervistim, xhirim, fotografim dhe për marrëdhënie të tjera publike, marketing dhe aktivitete promovuese që lidhen me ngjarje, siç kërkohet në mënyrë të arsyeshme dhe të drejtuar nga IPKO.

**6.2.2** Lejojë IPKO-n të kontaktojë pjesëmarrësit (qoftë personalisht, me telefon, email ose përndryshe) me qëllim për të kërkuar informata të tjera nga pjesëmarrësit në lidhje me pjesëmarrjen e tyre ose për ndonjë qëllim tjetër që lidhet me lojën shpërblyese. Çdo Pjesëmarrës përfaqëson dhe garanton se pjesëmarrjen e tij, dhe as ushtrimi i ndonjë prej të drejtave të dhëna IPKO-s asaj sipas këtyre Kushteve nuk do të:

**6.2.2.1** shkelë apo cenon ndonjë të drejtë të ndonjë subjekti apo pale të tretë, duke përfshirë, pa kufizim, ato që lidhen me patentat, të drejtat e autorit, markat tregtare, sekretet tregtare, të drejtat morale, privatësinë, publicitetin, shpërdorimin, konfidencialitetin, dhe/ose ndonjë të drejtë kontraktuale ose të tjera të njohura nën çfarëdo

ligji, rregulle, rregullore, urdhëresë, aktgjykim apo dekret (kolektivisht, "Ligji"), ose ndryshe shkelin ndonjë ligj të zbatueshëm.

6.3 IPKO rezervon te drejtën që te revokoj pjesëmarrjen në lojën shpërblyese të gjithë Përdorueseve të për të cilët IPKO konsideron që bëjnë keqpërdorime apo shkelin ndonjërin prej kushteve të përcaktuara në këtë dokument, duke përfshirë shuma të mëdha të mbushjeve apo transferimin e mbushjeve në vlera të mëdha, tek palët e treta .

#### **Neni 7 – Bartja e të drejtave dhe detyrimeve**

7.1 Përdoruesi nuk ka të drejtë të transferojë të drejtat dhe detyrimet që rrjedhin nga kjo marrëveshje palëve të treta pa miratimin paraprak me shkrim nga IPKO.

7.2 IPKO rezervon të drejtën për të transferuar të drejtat dhe detyrimet që rrjedhin nga kjo marrëveshje pasuesit ligjor të IPKO-s.

#### **Neni 8 - Përdorimi i të dhënave personale**

IPKO do të ruajë informacionin personal të pjesëmarrësve në përputhje me Ligjin për Mbrojtjen e të dhënave Personale Nr. 03 / L0-172.

#### **Neni 9- Kushtet e përfundimtare**

9.1 IPKO rezervon të drejtën për të mos shpërblyer pjesëmarrësit, nëse:

- Lindin dyshime në lidhje me identitetin e të dhënave;
- Kuptohet që një pjesëmarrës i ngjarjes ka vepruar në kundërshtim me këto kushte.

9.2 IPKO nuk do të marrë asnjë përgjegjësi për:

- Shërbimet ose aplikacionet jo-funksionale, të cilat janë një rezultat i jo njohurive për përdorimin e shërbimeve ose aplikacioneve;
- Mosfunksionimin e shërbimeve ose aplikacioneve, si pasojë e rënies në rrjetin e internetit, rënien e rrjeteve, mungesës së energjisë elektrike apo pengesave të tjera teknike, të cilat përkohësisht mundet të parandalojnë përdorimin e shërbimit ose aplikacionit;
- Ndonjë pasojë të padëshiruar që lind nga pjesëmarrja në ngjarje;

9.3 IPKO nuk do të marrë përgjegjësi për ndonjë dëm ose dëmtim, që është krijuar nga pjesëmarrësit gjatë pjesëmarrjes në ngjarje;

9.4 Këto kushte hyjnë në fuqi më **05.08.2018**.